

1522 = 1229

Sebija Izetbegović

Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

02-04-2026
01 04 7593/67

n/r Predsjedavajućeg Skupštine Kantona Sarajevo

Uputiti: Ministarstvo zdravstva Kantona Sarajevo, Klinički centar Univerziteta u Sarajevu (KCUS) i Ured za borbu protiv korupcije i upravljanje kvalitetom Kantona Sarajevo

PREDMET: Troškovi službenih putovanja i reprezentacije rukovodstva KCUS-a

Poštovani,

U skladu sa Poslovnikom Skupštine Kantona Sarajevo, a u cilju osiguranja transparentnosti u radu javnih zdravstvenih ustanova, upućujem sljedeća zastupnička pitanja Ministarstvu zdravstva KS, KCUS-u i Uredu za borbu protiv korupcije i upravljanje kvalitetom KS:

I. SLUŽBENA PUTOVANJA VD GENERALNOG DIREKTORA KCUS-a

1. Molim da dostavite potpun, hronološki i dokumentovan pregled svih službenih putovanja **vršioca dužnosti generalnog direktora KCUS-a, kao i kasnije imenovanog generalnog direktora KCUS-a, kao i članova Upravnog odbora KCUS-a, za period od novembra 2023. godine do dana dostavljanja odgovora.**
2. Za svako pojedinačno putovanje potrebno je dostaviti:
 - o destinaciju (grad i država),
 - o datum i trajanje putovanja,
 - o sastav delegacije (imena i funkcije svih članova),
 - o ukupne troškove putovanja (po stavkama: prevoz, smještaj, dnevnice, ostali troškovi),
 - o izvor finansiranja (budžet KCUS-a ili drugi izvor).
3. Molim da se za svako putovanje dostavi **detaljno obrazloženje svrhe putovanja**, uključujući:
 - o naziv događaja, sastanka ili aktivnosti,
 - o institucije ili organizacije sa kojima su održani sastanci.
4. Također, zahtijevam da se dostavi **konkretan izvještaj o rezultatima svakog službenog putovanja**, uključujući:
 - o koje su koristi ostvarene za KCUS,
 - o da li su zaključeni sporazumi, projekti ili saradnje,
 - o status realizacije tih aktivnosti (da li su implementirane ili ne).
5. Posebno tražim da se dostavi **pregled realizacije i efekata tih putovanja**, odnosno:
 - o koji konkretni projekti ili aktivnosti su proistekli iz službenih putovanja,
 - o kolika je njihova finansijska i operativna vrijednost za KCUS.

II. TROŠKOVI REPREZENTACIJE RUKOVODSTVA KCUS-a

6. Molim da dostavite **detaljan pregled troškova reprezentacije vršioca dužnosti generalnog direktora KCUS-a za period od novembra 2023. godine do danas.**
7. Za svaki evidentirani trošak reprezentacije potrebno je dostaviti:
 - o datum nastanka troška,
 - o iznos,
 - o mjesto i vrstu troška (restoran, hotel, događaj i sl.),
 - o svrhu troška (poslovni sastanak, prijem delegacije i sl.),

- o listu prisutnih osoba (ukoliko postoji).

III. TROŠKOVI REPREZENTACIJE UPRAVNOG ODBORA KCUS-a

8. Molim da dostavite **pregled troškova reprezentacije članova Upravnog odbora KCUS-a**, pojedinačno po članovima, za isti period.
9. Za svaki trošak tražim:
 - o iznos i datum,
 - o svrhu troška,
 - o pravni osnov za nastanak troška,
 - o dokaz o opravdanosti troška u odnosu na funkciju Upravnog odbora.

IV. NADZOR I ZAKONITOST (URED ZA BORBU PROTIV KORUPCIJE KS)

10. Da li je Ured za borbu protiv korupcije KS vršio nadzor ili analizu troškova službenih putovanja i reprezentacije u KCUS-u u navedenom periodu?
11. Ukoliko jeste, molim da se dostavi izvještaj sa nalazima i eventualno utvrđenim nepravilnostima.
12. Ukoliko nije, da li Ured planira pokrenuti postupak nadzora imajući u vidu visinu i prirodu navedenih troškova?

ZAKLJUČAK

Transparentno upravljanje javnim sredstvima, posebno u zdravstvenom sektoru, mora biti apsolutni prioritet. Svako službeno putovanje i svaki trošak reprezentacije moraju imati jasno opravdanje i mjerljive rezultate, a ne biti sami sebi svrha.

Očekujem da se dostave potpuni, precizni i dokumentovani odgovori.

S poštovanjem,

Sebija Izetbegović
Zastupnica u Skupštini Kantona Sarajevo

